

შპს „საქართველოს მელიორაცია“



„თელავის მუნიციპალიტეტის ტერიტორიაზე, ზემო ალაზნის
სარწყავი სისტემის მაგისტრალურ არხზე, სოფელ აკურაში
მდებარე დიუკერის აღდგენა-რეაბილიტაცია (იეტაპი)“

სახელმწიფო შესყიდვის ელექტრონული ტენდერის

სატენდერო დოკუმენტაცია

CPV 45200000

დაფინანსების წყარო: 2015 წლის სახელწიფო ბიუჯეტი

საგარეო დირეზიონი: 275 279 ლარი

ქ. თბილისი
2015 წ.

სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. საკვალიფიკაციო მოთხოვნები
4. ტექნიკური მოთხოვნები
5. დანართი №1 - ფასების ცხრილი (ხარჯთაღრიცხვა)
7. დანართი №2 - თანხმობა სატენდერო დოკუმენტაციით გათვალისწინებულ ტექნიკურ მოთხოვნებზე
8. დანართი №3 - სამუშაოს მიწოდების ვადები და პირობები
9. დანართი №4 - რეკვიზიტების ფორმა
10. დანართი №5 - ინფორმაცია პრეტენდენტის გამოცდილების შესახებ
11. დანართი №6 - სატენდერო შესრულებული სამუშაოების საგარანტიო ვადები
11. სახელმწიფო შესყიდვების შესახებ ხელშეკრულების პროექტი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – „სისტემა“) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. იმ შემთხვევაში თუ ტენდერში მონაწილე პირი უცხოეთის მოქალაქეა ან უცხოეთში რეგისტრირებული იურიდიული პირია აუცილებლობას წარმოადგენს წარმოდგენილი იქნეს პირის რეგისტრაციასთან დაკავშირებული ინფორმაციაც დამოწმებული, ამისათვის უფლებამოსილი ადმინისტრაციული ორგანოს მიერ (საელჩო, საკონსულო და/ან სხვა ადმინისტრაციული ორგანო).

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და/ან ინფორმაცია ხელმოწერილი და/ან ბეჭედდასმული (ბეჭდის არსებობის შემთხვევაში) უნდა იქნეს უფლებამოსილი პირის მიერ (საჭიროების შემთხვევაში, ატვირთული უნდა იქნეს მინდობილობა ან რწმუნებულება).

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრედენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური დოკუმენტაცია

2.1. პრეტენდენტის მიერ ერთიან ელექტრონულ სისტემაში ასატვირთი ინფორმაცია:

- ა) ფასების ცხრილი (ხარჯთაღრიცხვა) - დანართი №1.
- ბ) დანართი №2 - თანხმობა სატენდერო დოკუმენტაციით გათვალისწინებულ ტექნიკური მოთხოვნებზე;
- გ) დანართი №3 - თანხმობა სამუშაოს მიწოდების ვადებსა და პირობებზე, სამუშაოების წარმოების საორიენტაციო გეგმა - გრაფიკი;
- გ) დანართი №4 - რეკვიზიტები;
- დ) დანართი №5 - ინფორმაცია პრეტენდენტის გამოცდილების შესახებ;
- ე) დანართი №6 - ინფორმაცია ტენდერით შესრულებული სამუშაოების საგარანტიო ვადებზე,
- ვ) დანართი №7 - ინფორმაცია საკუთრებაში არსებული მანქანა-მექანიზმების ავტოპარკის შესახებ.
- ზ) სატენდერო წინადადების ხელმოწერის უფლებამოსილების მინიჭების მიხედვით (საჭიროების შემთხვევაში)

✓ **შენიშვნა:** ტექნიკური დოკუმენტაციის 2.1. პუნქტით წარმოდგენილი ინფორმაციის ყველა გვერდი უნდა იყოს ბეჭდით დამოწმებული (ბეჭდის არსებობის შემთხვევაში) და ხელმოწერილი უფლებამოსილი პირის მიერ

2.2. ტექნიკური დავალება, სამუშაოს შესრულების პირობები და ვადები

2.2.1. ტექნიკური მოთხოვნები განსაზღვრულია სატენდერო დოკუმენტაციის ტექნიკური დავალების მიხედვით, ხოლო გასაწევი სამუშაოს ჩამონათვალი განსაზღვრულია სატენდერო დოკუმენტაციის №1 დანართით.

2.2.2. სამუშაოს შესრულების ვადა - ხელშეკრულების გაფორმებიდან არაუგვიანეს 49 კალენდარული დღე.

2.2.3. პრეტენდენტმა უნდა წარმოადგინოს N3 დანართში შემოთავაზებული მიწოდების ვადის შესაბამისი სამუშაოების წარმოების საორიენტაციო გეგმა-გრაფიკი მინიმალური შესასრულებელი სამუშაოებისა და ღირებულებების ჩვენებით.

2.2.4. ტექნიკური დოკუმენტაციის 2.2.3 პუნქტით გათვალისწინებული სამუშაოების შესრულების საორიენტაციო გეგმა-გრაფიკი შემსყიდველთან შეთანხმების საფუძველზე შესაძლებელია დაზუსტდეს სამუშაოების შესრულების პროცესში.

2.3. სატენდერო წინადადების ფასი და დაანგარიშების წესი

2.3.1 პრეტენდენტმა უნდა წარმოადგინოს სატენდერო წინადადების ფასი და ფასების ცხრილი (ხარჯთაღრიცხვა) დანართი N1-ის მიხედვით.

2.3.2. სატენდერო წინადადებაში საერთო და ერთეულის ფასი გამოსახული უნდა იყოს ლარში, მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით. ასევე სატენდერო წინადადების ფასის გაანგარიშებისას გათვალისწინებული უნდა იყოს სამშენებლო მასალებისა და მანქანა-მექანიზმების ტრანსპორტირების, აუცილებელი ნარჩენებისა და მასალებისგან სამშენებლო ობიექტის გათავისუფლების, დასუფთავების და მოქმედი კანონმდებლობით გათვალისწინებული ყველა ნებართვის ხარჯი და ყველა სხვა ხარჯი (გარდა იმ ხარჯებისა, რომელთა გაწევის ვალდებულებაც, მოქმედი კანონმდებლობის გათვალისწინებით გააჩნია შემსყიდველს, მათ შორის სატყეო ფონდით და დაცული ტერიტორიებით სარგებლობის ნებართვებთან დაკავშირებული ხარჯები), რომელიც აუცილებელი იქნება შესყიდვის ობიექტის მიწოდებასთან. ხარჯები, რომელიც არ იქნება გათვალისწინებული სატენდერო წინადადების ფასში არ ანაზღაურდება.

2.3.3. ხარჯთაღრიცხვის შედგენისას უნდა იყოს გათვალისწინებული „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის #55 დადგენილება.

2.3.4. იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია 2%-დან 10%-მდე ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული ოდენობა ნახევრდება. ფასის 20%-ზე მეტით კლების შემთხვევაში, შემსყიდველი უფლებამოსილია მოითხოვოს 10%-იანი უზრუნველყოფის გარანტია. გარდა ამისა, 20%-იანი კლების შემთხვევაში პრეტენდენტს მოეთხოვება წარმოადგინოს : „სსიპ ლევან სამხარაულის სახელობის სასამართლო ექსპერტიზის ბიუროს ან სხვა აკრედიტირებული პირის“ მიერ გაცემული ექსპერტიზის დასკვნა ფასის ადეკვატურობის დასაბუთების მიზნით.

2.4. ანგარიშსწორების პირობები:

2.4.1. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე, უნაღდო ანგარიშსწორების ფორმით, მიმწოდებლის მიერ შემსყიდველისათვის მთლიანი სამუშაოს ან მისი ნაწილის შესრულების დამადასტურებელი დოკუმენტაციისა (ფორმა N2, მიღება-ჩაბარების აქტი) და საგადასახადო ანგარიშ-ფაქტურის წარდგენიდან არაუგვიანეს 10 სამუშაო დღის განმავლობაში.

2.4.2. მიმწოდებელთან საბოლოო ანგარიშსწორება განხორციელდება საბოლოო მიღება-ჩაბარების აქტისა ან/და ლიცენზირებული საექსპერტო დასკვნის წარმოდგენიდან 10 სამუშაო დღეში.

2.4.3. ხელშეკრულების მიმდინარეობის პერიოდში მიმწოდებლის მოთხოვნის შემთხვევაში დასაშვებია წინასწარი ანგარიშსწორება სახელშეკრულებო ღირებულების არაუმეტეს **20%-ის** ფარგლებში (მხარეთა შეთანხმებით), მიმწოდებლის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენის საფუძველზე (თეთრ სიაში შეყვანილ მიმწოდებლებზე გარანტიის ოდენობა ნახევრდება), რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

2.4.4. წინასწარი ანგარიშსწორება (ასეთის არსებობის შემთხვევაში) მიმწოდებელთან განხორციელდება მის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან 10 კალენდარული დღის განმავლობაში.

2.4.5. სამუშაოთა შესრულების პერიოდში მიმწოდებლის მხრიდან წინასწარი ანგარიშსწორების (ავანსი) მოთხოვნის შემთხვევაში შემსყიდველი უფლებამოსილია უარი თქვას წინასწარ ანგარიშსწორებაზე მიმწოდებლის მხრიდან ნაკისრი ვალდებულებების არაჯეროვანი შესრულების გამო (ასეთის არსებობისას).

2.4.6. წინასწარი ანგარიშსწორებისას, წინასწარ (ავანსი) გადარიცხული თანხის გამოქვითვა განხორციელდება მიმწოდებლისათვის განკუთვნილი გადახდებიდან პროპორციული თანხების დაკავებით.

2.4.7. გარდა ავანსის გამოქვითვისა, შემსყიდველი მიმწოდებელს თითოეული გადახდიდან დაუკავებს ასანაზღაურებელი თანხის 5%-ს სამუშაოს მთლიანად დასრულებამდე. საბოლოო მიღება-ჩაბარების აქტის გაფორმებისა და ობიექტის ჩაბარების შემდეგ მიმწოდებელს დაუბრუნდება დაკავებული თანხის ნახევარი, ხოლო მეორე ნახევარი დაუბრუნდება მას 1 წელის გასვლის შემდეგ, მას შემდეგ რაც შემსყიდველი დაამოწმებს, რომ მის მიერ მითითებული ყველა დეფექტი გასწორებულია. მიმწოდებლის მიერ დეფექტებზე პასუხისმგებლობის პერიოდის დასრულებამდე, სამუშაოს მთლიანად დასრულების შემდეგ მიმწოდებელს შეუძლია შეცვალოს თანხის დაკავება უპირობო „მოთხოვნამდე“ საბანკო გარანტიით.

2.5. ხელშეკრულების შესრულების უზრუნველყოფის საბანკო გარანტია

2.5.1. ტენდერში გამოიყენება საბანკო დაწესებულების მიერ გაცემული ხელშეკრულების შესრულების უზრუნველყოფის საბანკო გარანტია, სახელშეკრულებო ღირებულების 5%-ის ოდენობით, ხოლო თეთრ სიაში რეგისტრირებული მიმწოდებლებისათვის საბანკო გარანტიის მოცულობა განისაზღვრება სახელშეკრულებო ღირებულების 2.5%-ის ოდენობით.

2.5.2. იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს გამარჯვებულ მიმწოდებელს მოსთხოვოს ხელშეკრულების შესრულების გარანტია 2%-დან 10%-მდე ოდენობით. თეთრ სიაში დარეგისტრირებული მიმწოდებლის შემთხვევაში აღნიშნული ოდენობა ნახევრდება.

2.5.2. ხელშეკრულების შესრულების უზრუნველყოფის საბანკო გარანტიის წარმოდგენის პირობები

2.5.2.1. ხელშეკრულების შესრულების უზრუნველყოფის საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

2.5.2.2. ხელშეკრულების შესრულების უზრუნველყოფის საბანკო გარანტია წარმოდგენილი უნდა იყოს არაუგვიანეს ხელშეკრულების გაფორმების მომენტისათვის.

2.5.2.3. ხელშეკრულების უზრუნველყოფის გარანტია უნდა წარმოდგენილ იქნეს საბანკო დაწესებულებიდან.

2.5.2.4. ხელშეკრულების უზრუნველყოფის გარანტია უნდა იყოს უპირობო „გამოუთხოვადი“, რომელიც ითვალისწინებს შემსყიდველის მიერ სათანადო წესით წარდგენილი ანაზღაურების პირველი მოთხოვნისთანავე თანხის შემსყიდველისათვის გადარიცხვას.

2.6. დამატებითი ინფორმაცია:

2.6.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.6.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.6.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.6.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

2.6.4. ტენდერში დაინტერესებულ ყველა პირს ასევე ეძლევა შესაძლებლობა სატენდერო დოკუმენტაციასთან დაკავშირებული განმარტებები და დამატებითი ინფორმაცია მოთხოვნის შემთხვევაში მიიღონ სატენდერო კომისიის აპარატში, საკონტაქტო პირი ირმა აბუაშვილი, ტელეფონი: 591 51 53 53

3. საკვალიფიკაციო მოთხოვნები

3.1. საკვალიფიკაციო მოთხოვნების თანახმად პრეტენდენტმა უნდა წარმოადგინონ შემდეგი დოკუმენტები:

- **იურიდიული პირებისათვის:**

- ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.
- ბ) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია.
- გ) ცნობა შემოსავლების სამსახურიდან ბიუჯეტის წინაშე დავალიანების არ არსებობის შესახებ.

- **ფიზიკური პირებისათვის:**

- ა) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუნარობის საქმის წარმოება;

✓ **შენიშვნა:**

არარეზიდენტმა პირებმა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე.

3.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს შესაბამის ტენდერში „წინადადების მიღება დაწყებულია“ სტატუსის მინიჭების შემდეგ, ხოლო არარეზიდენტი პირების მიერ წარმოსადგენი საკვალიფიკაციო მონაცემები გაცემული უნდა იყოს შესაბამის ტენდერში „წინადადების მიღება დაწყებულია“ სტატუსის მინიჭებამდე არაუგვიანეს 30 დღით ადრე.

3.3. ადმინისტრაციული ორგანოებიდან წარმოსადგენი საკვალიფიკაციო მონაცემების ასლების წარმოდგენა ხორციელდება სისტემის მეშვეობით, ხოლო საკვალიფიკაციო მონაცემების ორიგინალი წარმოდგენა საქართველოს კანონმდებლობით დადგენილი ფორმით შემსყიდველ ორგანიზაციაში ხორციელდება ხელშეკრულების გაფორმების მომენტისათვის. ხელშეკრულების გაფორმების მომენტისათვის საქართველოს კანონმდებლობით დადგენილი ფორმით ადმინისტრაციული ორგანოებიდან წარმოსადგენი საკვალიფიკაციო მონაცემების წარმოუდგენლობა გამოიწვევს პრეტენდენტის დისკვალიფიკაციას შესყიდვის პროცედურებიდან.

✓ **შენიშვნა:**

თეთრ სიაში რეგისტრირებული მიმწოდებელი თავისუფლდება საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან.

4. ტექნიკური მოთხოვნები

4.1. შესასრულებელ სამუშაოთა ჩამონათვალი განსაზღვრულია სატენდერო დოკუმენტაციის დანართის №1 მიხედვით.

4.2. სამუშაოთა წარმოების პირობები (წესი)

სამუშაოთა წარმოების პირობები, განსახორციელებელი სამშენებლო პროექტის შემადგენელი ნაწილები, ნახაზები და დეტალური სპეციფიკაციები განსაზღვრულია ამ სატენდერო დოკუმენტაციის დანართებში, რომლებიც ატვირთულია ცალკე ფაილების სახით ერთიან ელექტრონულ სისტემაში, მათ შორის:

- ტექნიკური დავალება;
- ტექნიკური სპეციფიკაციები და ეკოლოგიური უსაფრთხოება;
- ნახაზების ჩამონათვალი და ნახაზები.

***შენიშვნა:** ზემოჩამოთვლილი დანართები წარმოადგენს წინამდებარე სატენდერო დოკუმენტაციის განუყოფელ ნაწილს.*

4.3. პრეტენდენტის გამოცდილება

მოთხოვნა შესრულებული მსგავსი სამუშაოების შესახებ განსაზღვრულია სატენდერო დოკუმენტაციის №5 დანართით.

4.4. შესრულებული სამუშაოების საგარანტიო ვადები

4.4. 1. შესრულებულ სამუშაოებზე ობიექტის ნორმალური ექსპლუატაციის პირობებში ობიექტის საბოლოო მიღება- ჩაბარების აქტის ხელმოწერის დღიდან გარანტიის ვადა განისაზღვრება N6 დანართის შესაბამისად.

4.5. ქვეკონტრაქტორები

მიმწოდებელი უფლებამოსილია, უზრუნველყოს სამუშაოს წარმოება ხელშეკრულების მიმდინარეობის ნებისმიერ ეტაპზე ქვეკონტრაქტორის მონაწილეობით მხოლოდ შემსყიდველის წერილობითი თანხმობის შემთხვევაში, მასთანავე, ქვეკონტრაქტის მიერ შესასრულებელი სამუშაოს ღირებულება არ უნდა აღემატებოდეს ხელშეკრულებით გათვალისწინებული სამშენებლო-სამონტაჟო (მოწყობილობების ღირებულების გარეშე) სამუშაოს ჯამური ღირებულების 40%-ს.

4.6. სამუშაოს მიღება-ჩაბარების წესი

4.6.1. მიმწოდებლის მიერ ფაქტიურად შესრულებული სამუშაოს ან მისი ნაწილის მიღება-ჩაბარება ხორციელდება შესრულებული სამუშაოების აქტისა (ფორმა 2) და მიღება-ჩაბარების აქტის საფუძველზე.

4.6.2. შესრულებული სამუშაოების აქტის (ფორმა 2) გაფორმების მიზნით მიმწოდებელი ვალდებულია შემსყიდველს (შემსყიდველის წარმომადგენელს) წარუდგინოს შესრულებული სამუშაოს მოცულობები და ღირებულებები ელექტრონულ ვერსიასთან ერთად.

4.6.3. შესრულებული სამუშაოს კონტროლს განახორციელებს შემსყიდველის ხელმძღვანელის ბრძანებით ან/და ხელშეკრულებით განსაზღვრული პირ(ებ)ი, რომლებიც ხელშეკრულების დანართებით (ფასების ცხრილი (ხარჯთაღრიცხვა), ტექნიკური დოკუმენტაცია, მიწოდების ვადები) გათვალისწინებულ მოთხოვნებთან შესაბამისობის დადგენის მიზნით ახორციელებს შესრულებული სამუშაოს შემოწმებას, რის შემდგომდაც, განიხილავს და ხელისმოწერით ადასტურებს მიმწოდებლის მიერ წარმოდგენილ შესრულებული სამუშაოების აქტს (ფორმა 2).

4.6.4. იმ შემთხვევაში, თუ შესრულებული სამუშაო შეესაბამება ხელშეკრულების მოთხოვნებს, ხელშეკრულების შესრულების კონტროლზე განსაზღვრული პირი ადგენს მიღება-ჩაბარების აქტს და ახორციელებს შესრულებული სამუშაოს ან მისი ნაწილის მიღებას, თუ გამოვლინდება, რომ შესრულებული სამუშაო და/ან მოცულობა არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი.

4.6.5. შემსყიდველს აქვს უფლება, საჭიროების შემთხვევაში ჩაატაროს შესრულებული სამუშაოების აქტ(ებ)ის ექსპერტიზა;

4.6.6. სამუშაოთა საბოლოო მიღება.

- მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების ფორმასა და შემადგენლობას განსაზღვრავს შემსყიდველი.
- სამუშაოთა დასრულებამდე არაუგვიანეს 5 სამუშაო დღით ადრე მიმწოდებელი წერილობით ატყობინებს შემსყიდველს სამუშაოთა დასრულების შესახებ და მიუთითებს თავისი წარმომადგენლის ვინაობას, რომელმაც მონაწილეობა უნდა მიიღოს შემსყიდველის მიერ განსაზღვრულ სამუშაოთა მიმღები კომისიის საქმიანობაში.
- სამუშაოთა დასრულების შესახებ მიმწოდებლის მხრიდან გამოგზავნილი შეტყობინების მიღებიდან არაუგვიანეს 10 სამუშაო დღის ვადაში შემსყიდველი განსაზღვრავს სამუშაოთა მიმღებ კომისიას, რომელიც უზრუნველყოფს მიწოდებული სამუშაოს საბოლოო მიღებას.
- სამუშაოს მიმღები კომისია ამოწმებს სამუშაოთა მოცულობებს და ობიექტის დასრულების თაობაზე ხელისმოწერებით ადასტურებს დოკუმენტის სისწორეს, ხოლო ექსპერტიზის დასკვნის შემდგომ გაფორმდება საბოლოო მიღება-ჩაბარების აქტი.

4.6.7. შემსყიდველი ვალდებულია ოპერატიულად, სიტყვიერი და/ან წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა და წუნდების მიზეზის მითითებით.

4.6.8. სამუშაოს მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.6.9. შესრულებული სამუშაოს მოცულობისა და ღირებულების განსაზღვრის მიზნით, სამუშაოს ეტაპის ან საბოლოო მიღება-ჩაბარების გაფორმებისას შემსყიდველი საკუთარი შეხედულებისამებრ მიმართავს მის მიერ შერჩეულ საექსპერტო დაწესებულებას. ასეთ შემთხვევაში, სამუშაოს მიღება-ჩაბარება განხორციელდება ექსპერტის/სპეციალისტის დასკვნის წარმოდგენის შემდეგ.

თანხმობა

სატენდერო დოკუმენტაციით გათვალისწინებულ ტექნიკურ მოთხოვნებზე

ამით ვადასტურებ, რომ სრულად მაქვს გაცნობილი ყველა ტექნიკური მოთხოვნა, ტექნიკური დავალება და დანართები და სამუშაოს შესრულებას ვუზრუნველყოფ მათი განუხრელი დაცვით.

პრეტენდენტის დასახელება

ხელმოწერა, ბ/ა

მიწოდების ვადები და პირობები

1. სამუშაოს შესრულებას (მიწოდებას) დავიწყებთ ხელშეკრულების გაფორმებიდან და დავასრულებთ დაწყებიდან არაუგვიანეს: _____ კალენდარული დღის (არაუგვიანეს 49 კალენდარული დღისა) განმავლობაში.
2. აგრეთვე წარმოგიდგენთ დანართის N3 პირველი პუნქტით შემოთავაზებული ვადის შესაბამისად ძირითად ობიექტებზე სამუშაოების წარმოების საორიენტაციო გეგმა-გრაფიკს ტექნიკური დოკუმენტაციის 2.2.2 და 2.2.3 პუნქტების შესაბამისად;

პრეტენდენტის დასახელება

ხელმოწერა, ბა

რეკვიზიტები

1	პრეტენდენტის სამართლებრივი ფორმა და დასახელება:	
2	ხელმძღვანელის სახელი და გვარი:	
3	პრეტენდენტის იურიდიული ან/და ფაქტიური მისამართი:	
4	საიდენტიფიკაციო კოდი:	
5	პრეტენდენტის საკონტაქტო ტელეფონის ნომერი:	
6	ელექტრონული ფოსტის მისამართი:	
7	მომსახურე ბანკი:	
8	ბანკის კოდი:	
9	ანგარიშსწორების ანგარიში:	

პრეტენდენტის დასახელება

ხელმოწერა, ბ/ა

ინფორმაცია პრეტენდენტის გამოცდილების შესახებ

N	კრიტერიუმი	კრიტერიუმის აღწერა	შესავსები დოკუმენტი
1	მსგავსი სამშენებლო - სამონტაჟო სამუშაოების შესრულების გამოცდილება	2013, 2014 და მიმდინარე 2015 წელს მსგავსი სამუშაოების შესრულება ჯამური ღირებულებით 200,000 (ორასი ათასი) ლარი. სამუშაოების შესრულება უნდა დადასტურებულ იქნეს ხელშეკრულებების, სამუშაოს შესრულების სერთიფიკატების, მიღება-ჩაბარების აქტების ან მათთან გათანაბრებული დოკუმენტების ასლების წარმოდგენით. გარდა ამისა, სამუშაოს ხარისხიანად შესრულება უნდა დადასტურდეს დამკვეთის სარეკომენდაციო წერილით. მსგავსი სამუშაოები გულისხმობს მიწისქვეშა ნაგებობების (დიუკერების, გვირაბების, შახტების და მისთ.) მშენებლობის ან რეაბილიტაციის სამუშაოებს	შეავსეთ ცხრილი N1
2	პერსონალის ტექნიკური და ტექნოლოგიური კვალიფიკაციის მოთხოვნა	პრეტენდენტი ვალდებულია წარმოადგინოს ობიექტის მენეჯერისა და სამუშაოთა მწარმოებლის პირადი მონაცემები (CV), რომელთა სამუშაოთა წარმოების სამშენებლო გამოცდილება უნდა შეადგენდეს არაუმცირეს 5 წელს.	შეავსეთ ცხრილი N2

დანართის N5 მოთხოვნებთან შესაბამისობის დასადგენად შეავსეთ ქვემოთ მოცემული ცხრილება და თან დაურთეთ დამადასტურებელი დოკუმენტაცია

ცხრილი N1 - მსგავსი სამშენებლო სამუშაოების გამოცდილება

მსგავსი სამუშაოები	ინფორმაცია			
კონტრაქტის ნომერი:				
გაფორმების თარიღი:				
დასრულების თარიღი:				
პრეტენდენტის როლი კონტრაქტში	ძირითადი კონტრაქტორი ☐	ალიანსის წევრი ☐	მენეჯმენტ კონტრაქტორი ☐	ქვე- კონტრაქტორი ☐
კონტრაქტის ღირებულება			ლარი	
ალიანსის წევრის ან ქვე- კონტრაქტორის შემთხვევაში მიუთითეთ შესრულებული სამუშაოს პროცენტი				
შემსყიდველის დასახელება:				
მისამართი:				
ტელეფონი:				
ელ-ფოსტა:				
მსგავსების აღწერა (სამუშაოების ჩამონათვალი)				

*აღნიშნული ცხრილი შეავსეთ თითოეულ მსგავს სამუშაოზე და დაურთეთ დამადასტურებელი დოკუმენტაცია

ცხრილი N2 - პერსონალის კვალიფიკაცია

No.	პოზიციის დასახელება	მსგავსი სამუშაოების გამოცდილება (წლები)	ზოგადი სამშენებლო გამოცდილება (წლები)
1	ობიექტის მენეჯერი		≥5 წელი
2	სამუშაოთა მწარმოებელი		≥5 წელი

*პრეტენდენტმა უნდა წარმოადგინოს აღნიშნული კანდიდატების ხელმოწერელი პირადი მონაცემები (CV), სადაც უნდა მითითებული იქნეს, რომ აღნიშნული პირები მზად არიან მონაწილეობა მიიღონ მიმდინარე ელექტრონული ტენდერით გათვალისწინებულ სამუშაოებში. სამუშაოების მიმდინარეობის პროცესში აღნიშნული პირების შეცვლის შემთხვევაში კონტრაქტორი ვალდებული იქნება ჩაანაცვლოს ისინი მსგავსი კვალიფიკაციის მქონე პირებით, რისთვისაც აუცილებელი იქნება შემსყიდველის თანხმობა.

საჭიროების შემთხვევაში შემსყიდველი უფლებამოსილია უზრუნველყოს დანართი N5 წარმოდგენილი ინფორმაციის გადამოწმება (წარმოდგენილი ინფორმაცია უნდა დადასტურდეს ხელშეკრულების, მიღება-ჩაბარების და სამუშაოთა წარმოების აქტების და/ან სხვა დოკუმენტების ატვირთვით).

**ინფორმაცია შესრულებული სამუშაოების საგარანტიო ვადების შესახებ
ჩვენს მიერ მშენებლო**

ჩვენს მიერ შესრულებულ სამუშაოებზე, ობიექტის ნორმალური ექსპლუატაციის პირობებში, ობიექტზე საბოლოო მიღება-ჩაბარების აქტის ხელმოწერის დღიდან ვავრცელებთ გარანტიას 1 (ერთი) წლის ვადით და ვიღებთ ვალდებულებას საკუთარი ხარჯებით გამოვასწოროთ ყველა სახის დეფექტი.

პრეტენდენტის დასახელება

ხელმოწერა, ბ/ა

ინფორმაცია საკუთრებაში ან/და სარგებლობაში არსებული მანქანა-
მექანიზმების ავტოპარკის შესახებ

N	ივსება პრეტენდენტის მიერ				
N	დასახელება/ აღწერილობა ტექნიკური მახასიათებლები	მდგომარეობა (ახალი, ნახმარი)	რაოდენობა	მფლობელობის ფორმა	მფლობელის დასახელება
1	2	3	4	5	6

ა) საკუთარი ან საქართველოს კანონმდებლობით ნებადართული ან აუკრძალავი ნებისმიერი ფორმით (იჯარა, ქირა და ა.შ.) ცხრილის მე-2 და მე-4 სვეტში მითითებული დასახელებისა და რაოდენობის მანქანა-მექანიზმების არსებობის შემთხვევაში, ცხრილის მე-5 სვეტში პრეტენდენტმა უნდა მიუთითოს მფლობელობის ფორმა (მაგ. საკუთარი, იჯარა, ქირა და ა.შ.).

ბ) ცხრილის მე-6 სვეტში პრეტენდენტმა უნდა მიუთითოს მფლობელის დასახელება, ხოლო აღნიშნული ინფორმაციის დასადასტურებლად პრეტენდენტმა ერთიანი ელექტრონული სისტემის მეშვეობით უნდა წარმოადგინოს მანქანა-მექანიზმების მფლობელობის დამადასტურებელი დოკუმენტის ან მანქანა მექანიზმის ტექნიკური პასპორტის ასლი სადაც მითითებული უნდა იყოს მფლობელის დასახელება. ასევე მანქანა-მექანიზმების სხვა მესაკუთრისაგან (ასეთის არსებობის შემთხვევაში) საქართველოს კანონმდებლობით ნებადართული ან აუკრძალავი ნებისმიერი ფორმით (იჯარა, ქირა და ა.შ.) მიღების შემთხვევაში პრეტენდენტმა ერთიანი ელექტრონული სისტემის მეშვეობით უნდა წარმოადგინოს შესაბამის მანქანა-მექანიზმზე შედგენილი მფლობელობის დამადასტურებელი დოკუმენტის ასლი (იჯარის, თხოვნების ხელშეკრულებები და ა.შ.), რომლის მოქმედების ვადა არ უნდა იყოს სამუშაოების დასრულების ვადაზენაკლები.

*საჭიროების შემთხვევაში შემსყიდველი უფლებამოსილია უზრუნველყოს წარმოდგენილი ინფორმაციის
გადამოწმება*

პრეტენდენტის დასახელება

ხელმოწერა, ბ/ა

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

სახელმწიფო შესყიდვის შესახებ ხელშეკრულების პროექტი
(პირობები დაზუსტდება გამარჯვებული პრეტენდენტის წინადადების შესაბამისად)

« » ----- 2015 წ.

ქ.თბილისი

1. ხელშეკრულების მხარეების ზუსტი დასახელება და ხელშეკრულების დადების საფუძველი

ერთის მხრივ (შემდგომში **შემსყიდველი**) შპს „საქართველოს მელიორაცია“ (მისამართი: ქ. თბილისი, მარშალ გელოვანის გამზირი №6) -----
სახით და მეორეს მხრივ (შემდგომში **მიმწოდებელი**) -----
(მისამართი: -----) მისი ----- სახით

იმის გათვალისწინებით, რომ: შემსყიდველმა ჩაატარა ელექტრონული ტენდერი (SPA45200000) სამშენებლო სამონტაჟო სამუშაოების შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებლის სატენდერო წინადადების თანახმად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი შემდეგ თანხაზე: ----- (შემდგომში **“ხელშეკრულების ჯამური ღირებულება”**)

2. წინამდებარე ხელშეკრულება ადასტურებს შემდეგს

2.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

- ა) სატენდერო დოკუმენტაცია;
- ბ) წინამდებარე ხელშეკრულება;
- გ) პრეტენდენტის მიერ წარმოდგენილი სატენდერო წინადადება და წინადადებაზე თანდართული ყველა სხვა დოკუმენტი;
- დ) დანართი N1 ფასების ცხრილი (ხარჯთაღრიცხვა)
- ე) დანართი №2 - თანხმობა სატენდერო დოკუმენტაციით გათვალისწინებულ ტექნიკური მოთხოვნებზე;
- ვ) დანართი №4 - რეკვიზიტები;
- ზ) დანართი №5 - ინფორმაცია პრეტენდენტის გამოცდილების შესახებ;
- თ) დანართი №6 - ინფორმაცია სატენდერო შესრულებული სამუშაოების საგარანტიო ვადებზე.

2.2. ზემოაღნიშნულ დოკუმენტებში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მხარეთა პასუხისმგებლობის ფორმები და სხვა წარმოადგენენ ხელშეკრულების პირობებს.

3. ხელშეკრულების საგანი

3.1 დამბების, არხების სარწყავი არხებისა და აკვედუკების/ღარხიდების მშენებლობა) (CPV 45247000) კერძოდ: „დედოფლისწყაროს მუნიციპალიტეტის ტერიტორიაზე, სოფ. ფიროსმანის მექანიკური მორწყვის სისტემების რეაბილიტაცია, წყალმიმღები კვანძი და სატუმბი სადგურის მოწყობა (II ეტაპი)“.

4. ხელშეკრულების ჯამური ღირებულება

4.1 ხელშეკრულების ჯამური ღირებულება განისაზღვრება -----

5. მიწოდების ეტაპობრივი ვადები

5.1 „მიმწოდებელი“ ვალდებულია უზრუნველყოს სამუშაოს შესრულება, ხელშეკრულების გაფორმებიდან არაუგვიანეს 49 კალენდარული დღის ვადაში.

6. სამუშაოს მიღება ჩაბარების წესი

6.1. სამუშაოს ეტაპობრივი მიღება ხორციელდება შესრულებული სამუშაოების აქტისა (ფორმა 2) და მიღება-ჩაბარების აქტის საფუძველზე მიმწოდებლის მიერ ფაქტიურად შესრულებული სამუშაოს მოცულობის შესაბამისად.

6.2. შესრულებული სამუშაოების აქტის (ფორმა 2) გაფორმების მიზნით მიმწოდებელი ვალდებულია შემსყიდველს (შემსყიდველის წარმომადგენელს) წარუდგინოს შესრულებული სამუშაოს მოცულობები და ღირებულებები ელექტრონულ ვერსიასთან ერთად.

6.3. ხელშეკრულების 13.3. პუნქტით გათვალისწინებით განსაზღვრული პირ(ებ)ი ხელშეკრულების დანართებით (ფასების ცხრილი (ხარჯთაღრიცხვა), ტექნიკური დოკუმენტაცია, მიწოდების ვადები) გათვალისწინებულ მოთხოვნებთან შესაბამისობის დადგენის მიზნით ახორციელებს შესრულებული სამუშაოს შემოწმებას, რის შემდგომაც განიხილავს და ხელისმოწერით ადასტურებს მიმწოდებლის მიერ წარმოდგენილ შესრულებული სამუშაოების აქტს (ფორმა 2).

6.4. იმ შემთხვევაში, თუ შესრულებული სამუშაო შეესაბამება ხელშეკრულების მოთხოვნებს, ხელშეკრულების 13.3. პუნქტით განსაზღვრული პირ(ებ)ი ხელმოწერით ამოწმებენ მიღება-ჩაბარების აქტს, ხოლო თუ გამოვლინდება, რომ შესრულებული სამუშაო და/ან მოცულობა არ აკმაყოფილებს ხელშეკრულების მოთხოვნებს, შემსყიდველს უფლება აქვს არ მიიღოს სამუშაო ან მისი ნაწილი.

6.5. შემსყიდველი უფლებამოსილია, სამუშაოების შესრულების ნებისმიერ ეტაპზე ჩაატაროს შესრულებული სამუშაოების აქტ(ებ)ის ექსპერტიზა, რომელიც განისაზღვრება 45 კალენდარული დღით.

6.6 სამუშაოთა საბოლოო მიღება

6.6.1. მიწოდებული სამუშაოს საბოლოო მიღება ხორციელდება კომისიური წესით, რომლის ფორმირების ფორმასა და წევრებს განსაზღვრავს შემსყიდველი.

6.6.2. სამუშაოთა დასრულებამდე არაუგვიანეს 10 სამუშაო დღით ადრე მიმწოდებელი ატყობინებს შემსყიდველს სამუშაოთა დასრულების შესახებ და მიუთითებს თავისი წარმომადგენლის ვინაობას, რომელმაც მონაწილეობა უნდა მიიღოს შემსყიდველის მიერ განსაზღვრულ სამუშაოთა მიმღები კომისიის საქმიანობაში.

6.6.3. ხელშეკრულების 6.5.2. პუნქტით განსაზღვრული შეტყობინების მიღებიდან არაუგვიანეს 10 სამუშაო დღის ვადაში შემსყიდველი განსაზღვრავს სამუშაოთა მიმღებ კომისიას, რომელიც უზრუნველყოფს მიწოდებული სამუშაოს საბოლოო მიღებას.

6.6.4. სამუშაოს მიმღები კომისია ამოწმებს სამუშაოთა მოცულობებს და ობიექტის დასრულების თაობაზე ხელისმოწერებით ადასტურებს საბოლოო მიღება-ჩაბარების აქტს.

6.7. შემსყიდველი ვალდებულია ოპერატიულად, სიტყვიერი და/ან წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობისა და წუნდების მიზეზის მითითებით.

6.8. სამუშაოს მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.9. შესრულებული სამუშაოს მოცულობისა და ღირებულების განსაზღვრის მიზნით, სამუშაოს ეტაპის ან საბოლოო მიღება-ჩაბარების გაფორმებისას შემსყიდველი უფლებამოსილია საკუთარი შეხედულებისამებრ მიმართოს მის მიერ შერჩეულ საექსპერტო დაწესებულებას. ასეთ შემთხვევაში სამუშაოს მიღება-ჩაბარება განხორციელდება ექსპერტის/სპეციალისტის დასკვნის წარმოდგენის შემდეგ.

7. ანგარიშსწორების ფორმა, გრაფიკი და ვადები

7.1. ანგარიშსწორება მიმწოდებელთან განხორციელდება ლარში, მიმწოდებლის საბანკო რეკვიზიტებზე, უნაღდო ანგარიშსწორების ფორმით, წინამდებარე ხელშეკრულების პირობების მე-5 მუხლით გათვალისწინებული პირობების შესაბამისად, საგადასახადო ანგარიშ-ფაქტურის წარდგენიდან არაუგვიანეს 10 სამუშაო დღის განმავლობაში.

7.2. ხელშეკრულების მიმდინარეობის პერიოდში მიმწოდებლის მოთხოვნის შემთხვევაში დასაშვებია წინასწარი ანგარიშსწორება სახელშეკრულებო ღირებულების არაუმეტეს 20%-ის ფარგლებში, მიმწოდებლის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენის საფუძველზე, რომლის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

7.3. წინასწარი ანგარიშსწორება (ასეთის არსებობის შემთხვევაში) მიმწოდებელთან განხორციელდება მის მიერ შესაბამის თანხაზე საბანკო დაწესებულების მიერ გაცემული წინასწარი ანგარიშსწორების (საავანსო) საბანკო გარანტიის წარმოდგენიდან 10 სამუშაო დღის განმავლობაში.

7.4. სამუშაოთა შესრულების პერიოდში მიმწოდებლის მხრიდან წინასწარი ანგარიშსწორების (ავანსი) მოთხოვნის შემთხვევაში შემსყიდველი უფლებამოსილია უარი თქვას წინასწარ ანგარიშსწორებაზე მიმწოდებლის მხრიდან ნაკისრი ვალდებულებების არაჯეროვანი შესრულების გამო (ასეთის არსებობისას).

7.5. წინასწარი ანგარიშსწორებისას, გადარიცხული თანხის გამოქვითვა განხორციელდება მიმწოდებლისათვის განკუთვნილი გადახდებიდან პროპორციული თანხების დაკავებით.

7.6. გარდა ავანსის დაქვითვისა, შემსყიდველი დაუკავებს მიმწოდებელს თითოეული გადახდიდან გადასახდელი თანხს 5%-ს სამუშაოს მთლიანად დასრულებამდე. საბოლოო მიღება-ჩაბარების აქტის გაფორმებისა და ობიექტის ჩაბარების შემდეგ მიმწოდებელს დაუბრუნდება დაკავებული თანხის ნახევარი, ხოლო მეორე ნახევარი დაუბრუნდება 1 წელის გასვლის შემდეგ, მას შემდეგ რაც შემსყიდველი დაამოწმებს, რომ მის მიერ მითითებული ყველა დეფექტი გასწორებულია მიმწოდებლის მიერ დეფექტებზე პასუხისმგებლობის პერიოდის დასრულებამდე. სამუშაოს მთლიანად დასრულების შემდეგ მიმწოდებელს შეუძლია შეცვალოს თანხის დაკავება უპირობო “მოთხოვნამდე” საბანკო გარანტიით.

7.7. იმ შემთხვევაში თუ მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ შეთანხმდებიან ამ ვადის გაგრძელებაზე შემსყიდველი უფლებამოსილია გარანტიის მოქმედებისპერიოდში მიმართოს გარანტიის გამცემ ორგანოს (გარანტს), ავანსის სახით გადარიცხული თანხის ფარგლებში მიმწოდებლის მხრიდან შეუსრულებელი სამუშაოს ღირებულების პროპორციულად გათვალისწინებული თანხის დაბრუნებაზე.

7.8. იმ შემთხვევაში თუ მიმწოდებელი ხელშეკრულებით გათვალისწინებულ ვადაში ობიექტური მიზეზების გამო ვერ უზრუნველყოს სამუშაოს შესრულებას და მხარეები შეთანხმდებიან ამ ვადის გაგრძელებაზე მიმწოდებელი ვალდებულია უზრუნველყოს წარმოდგენის გაგრძელებული ვადის ან/და ახალი წინასწარი ანგარიშსწორების (საავანსო) საბანკო გარანტია, რომლის მოქმედების ვადა მინიმუმ 30 (ოცდაათი) დღით უნდა აღემატებოდეს გაგრძელებულ ვადას.

8. მხარეთა უფლება-მოვალეობანი

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.1.2. მოითხოვოს წინამდებარე ხელშეკრულებით გათვალისწინებული პირობების შესაბამისად

სამუშაოები აწარმოოს ქვეკონტრაქტორ(ებ)ის გამოყენებით.

8.2. „შემსყიდველს“ უფლება აქვს:

8.2.1. აწარმოოს შესრულებული სამუშაოს ხელშეკრულების მოთხოვნებთან შესაბამისობის კონტროლი.

8.2.2. განიხილოს მიმწოდებლის მიერ ხელშეკრულების შესრულებასთან დაკავშირებული ყველა საკითხი.

8.2.3. მისცეს მიმწოდებელს მითითებები წინამდებარე ხელშეკრულებით გათვალისწინებულ საკითხებთან დაკავშირებით.

9. მხარეთა პასუხისმგებლობა ხელშეკრულების პირობების დარღვევისათვის

9.1. შემსყიდველი კისრულობს პასუხისმგებლობას წინამდებარე ხელშეკრულებით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტეხლო მიმწოდებელს შეუსრულებელი ვალდებულების **0.07%-ის** ოდენობით ყოველ ვადაგადაცილებულ დღეზე.

9.2.1. მიმწოდებელი კისრულობს პასუხისმგებლობას ხელშეკრულებით გათვალისწინებული სამუშაოს შესრულების ვადების დარღვევის შემთხვევაში გადაუხადოს პირგასამტეხლო შემსყიდველს სახელშეკრულებო ღირებულების **0.07 %** ოდენობით ყოველ ვადაგადაცილებულ დღეზე.

9.2.2. იმ შემთხვევაში თუ ხელშეკრულების 9.2.1. პუნქტით გათვალისწინებული პირგასამტეხლოს ჯამური თანხა შეადგენს სახელშეკრულებო ღირებულების 3 პროცენტს და მხარეები ვერ შეთანხმდებიან სამუშაოს შესრულების ვადის გაზრდაზე, შემსყიდველი უფლებამოსილია ცალმხრივად შეწყვიტოს ხელშეკრულება და ხელშეკრულების შესრულების უზრუნველყოფის საბანკო გარანტიით განსაზღვრულ ვადაში მიმართოს საბანკო გარანტიის გამცემ ორგანოს (გარანტი) საბანკო გარანტიით განსაზღვრული თანხის გადახდა.

9.2.3. ხელშეკრულების 9.2.2. პუნქტით გათვალისწინებული პირობების დადგომის შემთხვევაში მიმწოდებელი ასევე ვალდებულია გადაიხადოს ხელშეკრულების 9.2.1. პუნქტით გათვალისწინებული პირგასამტეხლო.

9.2.4. პირგასამტეხლოს დარიცხვა ან გადახდა არ ათავისუფლებს მხარეებს ძირითადი ვალდებულებების შესრულებისაგან.

9.3. მხარეები თავისუფლდებიან პასუხისმგებლობისაგან:

9.3.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგანდამოუკიდებელი სხვა ობიექტური მიზეზებით.

9.3.2. ის მხარე, რომელიც ხელშეკრულების 9.3.1. პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 დღისა წარმოადგინოს ცნობა შესაბამისი კომპენტენტური ორგანოდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

9.3.3. ხელშეკრულების 9.3.2. პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

10. ფორს-მაჟორი

10.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა შეიძლება გამოწვევულ იქნას ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების

შესრულების ვადა გადაიწვეს შესაბამისი დროით (გარდა საბიუჯეტო ასიგნებების მკვეთრი შემცირებისას) გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11. ხელშეკრულების მოქმედების ვადა

11.1. წინამდებარე ხელშეკრულება ძალაში შედის ხელმოწერისთანავე და მოქმედებს 2016 წლის ----- მდე. (კონკრეტული ვადა დაზუსტდება ხელშეკრულების გაფორმების დროს)

12. დავების გადაწყვეტის წესი

12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შესრულების კონტროლი და ინსპექტირების პირობები

13.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

13.2. ხელშეკრულების მიმდინარეობის კონტროლის მიზანს წარმოადგენს:

13.2.1. სამუშაოს მიწოდების ვადების ხელშეკრულების მოთხოვნებთან შესაბამისობის დადგენა;

13.2.2. მიწოდებული სამუშაოს - ხელშეკრულების დანართებთან (ფასების ცხრილი (ხარჯთაღრიცხვა), ტექნიკური დოკუმენტაცია) შესაბამისობის დადგენა, შესაბამისი ინსპექტირების დასკვნის შედგენა, ფარული სამუშაოების კონტროლი (ასეთის არსებობის შემთხვევაში), მიმწოდებლის მიერ შესრულებული სამუშაოების, ან მისი ნაწილის მოცულობისა და ღირებულების დადგენა, მიღება-ჩაბარების აქტ(ებ)ის (შესრულებული სამუშაოების აქტი, ფორმა 2) გაფორმება და ანგარიშსწორების პროცესის რეგულირება.

13.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

13.3. ხელშეკრულების შესრულების კონტროლს ახორციელებენ შპს „საქართველოს მელიორაციის“ დირექტორის ბრძანებით განსაზღვრული პირ(ებ)ი.

14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5. მხარეები იღებენ ვალდებულებას შეატყობინონ ერთმანეთს აღნიშნული ხელშეკრულების პირობების ცვლილებათა შესახებ არაუგვიანეს 10 დღისა.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს

შემსყიდველი:-----

(შემსყიდველის სახელი, გვარი, თანამდებობა)

ხელმოწერა -----

ბ.ა.

საბანკო რეკვიზიტები

შემსყიდველის ბანკი:

ანგარიშსწორების ანგარიში:

საინდეტიფიკაციო კოდი:

მიმწოდებელი: -----

(მიმწოდებლის სახელი, გვარი, თანამდებობა)

ხელმოწერა -----

ბ.ა.

საბანკო რეკვიზიტები

მიმწოდებლის ბანკი:

კოდი:

ანგარიშსწორების ანგარიში:

საიდენტიფიკაციო კოდი: